

2015EKO ABENDUAREN 1EAN UDALBATZAK EGINDAKO OHIKO OSO BILKURAREN AKTA.-

BERTARATUAK:

LEHENDAKARIA:

Ibernalo Basterra Txasko and.

ZINEGOTZIAK:

Idoia Arenaza Sáenz del Burgo and.

Manuel Muñoz Morentin jn.

Zuriñe Sáenz Sáenz and.

Eduardo Ruiz de Loizaga Sanz jn.

Mikel Herrador Iriarte jn.

Juanjo García de Acilu Pérez jn.

María Asun Quintana Uriarte and.

Susana Sáenz de Ugarte Corres and.

IDAZKARIA: Miguel A. Oliveira Barral; ekitaldiaren fede ematen du.

Santikurutze Kanpezun, Kanpezuko Udal Ohoretsuaren Udaletxeko Bilkura Aretoan, bi mila eta hamabosteko abenduaren 1a izanda, hogeia eta bost zirela, goian esandako Zinegotziak lehen deialdian elkartu ziren Udalbatzaren ohiko osoko bilkura egiteko Ibernalo Basterra Txasko Alkate andrearen lehendakaritzapean, Idazkari-Kontuhartzailea bertan egonda.

Jarraian, apirilaren 2ko 7/1985 Erregimen Lokalaren Oinarriak arautzen dituen Legearen 46.2.C) artikuluan eta azaroaren 28ko 2568/1986 onetsitako Tokiko Erakundeen Antolaketa, Funtzionamendu eta Araubide Juridikoaren Araudiko 90. artikuluan zehaztutakoaren arabera, behar besteko quoruma egiaztatzeari ekin diote, eta batzordea eratutzat jo da. Ondoren, gai-zerrendako aztergaiak aztertzen hasi dira.

1.- AKTEN ONESPENA

Lehendakari andreak galdetu du Udalbatzaren kideren batek esatekorik duen 2015eko azaroaren 3ko ohiko bilkuraren eta azaroaren 23ko ez ohiko bilkuraren akte buruz. Horren kopia helarazi zitzaien Zinegotzi jaun-andre guztiei, oraingo bilkurarako deiarekin batera.

Galdetu dute azaroaren 3ko aktako zazpigarren puntuaren izenburuaz, Alkateak azaldu du xedapenak atala aldatu dutela, ez ordea izenburua.

Aurkeztutako aktak aho batez onartu egiten dira. Lehendakari andreak onartu direla adierazten du; eta haien transkripzioa Akten Liburura egitea agintzen du, R.O.F 110.2 artikuluan ezarritakoaren arabera.

2.- ALKATETZAREN DEKRETUAK

Zkia.	Data	Edukia
184	2015/11/03	OBREN ZUZENDARITZAREN ESLEIPENA UR6-ORBISO
185	2015/11/06	OBRA TXIKIAK EGITEKO DIRU-LAGUNTZETAN PARTE HARTZEA
186	2015/11/09	GAINBALIOEN KITAPENAREN ONESPENA
187	2015/11/07	FAKTURA ONARTZEA
188	2015/11/18	OSASUN- ETA SEGURTASUN-PLANA ONARTZEA UER-6

189	2015/11/19	GAINBALIOEN KITAPENAREN ONESPENA
190	2015/11/19	NEGUTEGIA JARTZEKO ETA HORMA-PINTURA EGITEKO OBREN LIZENTZIA EMATEA
191	2015/11/19	OBREN LIZENTZIA EMATEA FATXADA LUZITZEKO MAYOR KALEAN
192	2015/11/19	2015EKO AZAROAREN 23KO EZ OHIKO OSOKO BILKURA DEIALDIA
193	2015/11/23	OBREN LIZENTZIA EMATEA FATXADA KONPONTZEKO ARRABAL 95
194	2015/11/23	OBREN LIZENTZIA EMATEA LORATEGIKO HORMA KONPONTZEKO ARRABAL95
195	2015/11/24	IBILGAILUEN GAINEKO ZERGAREN SALBUESPENA EMATEA
196	2015/11/24	OBREN LIZENTZIA EMATEA BARNEKO KONPONKETAK EGITEKO ARRABAL 7
197	2015/11/24	SANTIKURUTZEKO 1 POLIGONOA 388 LURZATIA BANANTZEA ONARTZEA
198	2015/11/24	ERABILERRAKO LIZENTZIA EMATEA ORBISOKO ERDIKO KALEA 7KO ERAIKINARI
199	2015/11/26	2015EKO ABENDUAREN 1EKO OSOKO BILKURAREN DEIALDIA

3.- ERABILERA ETA ESPAZIO PUBLIKOAK ETA UDAL ONDASUNAK ARAUTZEN DITUEN ORDENANTZEN ALDAKETAN ONARPENEA, EGOKIA BADA. ZIOEN AZALPENEA:

Alkatetzaren ekimenez, erabilera eta espazio publikoak eta udal ondasunak arautzen dituzten ordenantzak aldatzeko behin-behineko onarpena egiteko egindako espedientea ikusirik.

Uztailaren 19ko 41/1989 Foru Arauko 16tik 18rako artikulua eta apirilaren 2ko 7/1985 Erregimen Lokalaren Oinarriak arautzen dituen Legearen eskumeneko 22 eta 47 artikulua ikusirik.

XEDAPENAK:

AKORDIOA: Bertaratuek aho batez onartu dute:.

LEHENA.- Erabilera eta espazio publikoak eta udal ondasunak arautzen dituen ordenantza behin-behinean onartzea.

BIGARRENA.- Behin-behineko onarpenaren Akordioa argitaratu eta hurrengo egunetik aurrera 30 eguneko epean Udal honen Iragarki-Taulan jendaurrean jarri, interesadunek espedientea aztertu eta egoki ikusten dituzten erreklamazioak aurkeztu ahal izateko.

HIRUGARRENA.- Jendaurrean egon den tartea igaro ondoren, egokia den behin betiko erabakia hartuko da balizko erreklamazioak erantzunez. Erabakiaren aurkako erreklamaziorik aurkeztuko ez badira, erabakia behin betiko bihurtuko da ordura arte behin-behinekoa izango den akordia.

LAUGARRENA.- Behin betiko akordioa -baita behin betikoa bihurtutako behin-behinekoa-, eta aldaketen testua oso-osorik argitaratuko dira ALHAOn.

ERANSKINA

1.artikulua. Kontzeptua

Uztailaren 19ko 41/1989 Foru Arauk, toki ogasunak arautzen dituenak, 43. artikuluan xedatzen duenarekin bat etorriz, udal honek beherago deskribatzen diren udal lokalen edo Udalaren jabetzako materialen erabilera aldi baterako lagatzeko zerbitzuen prezio publikoa ezartzen du.

2.artikulua. Ordaindu behar dutenak

Ordenantza honetan arautzen den prezio publikoa ordaindu behar dute Udalak erabiltzeko lagatzen dituen lokalak, instalazioak edo ondasunak erabiliz onura lortzen duten pertsonak.

3. artikulua. Zenbatekoa

Ordenantza honetan arautzen den prezio publikoaren tarifak:

— Kultur Etxeko gela erabiltzea:..... 40 euro egunean

- Kultur Etxeko ekitaldi aretoa erabiltzea:.....100 euro egunean egun erdia, 50 euro
- Udaletxeko gela erabiltzea:.....50 euro bilerako eta eguneko
- Udal pilotalekuaren eraikina erabiltzea:.....150 euro egunean
- Udal kiroldegiaaren edo pilotalekuaren eraikina gaua emateko erabiltzea. Alkatetzari eskatu behar zaio; hark kasu bakoitza aztertuko du eta eraikina horretarako erabil daitekeen erabakiko du.
- Udal igerilekuetako instalazioak erabiltzea:.....150 euro egunean
- Udal lonjak erabiltzea:.....50 euro egunean
- Materiala erabiltzea:..... Proiektagailua: 20 euro egunean edo jarduerako.
Agertokia: 50 euro egunean edo jarduerako.
Beste material batzuk: 50 euro egunean edo jarduerako.

Ahal dela, kultur etxeko eta udaletxeko instalazioak zabalik egon ohi diren ordutegian erabiliko dira. Ordutegi horretatik kanpo, eskaeran zehaztu behar da berokuntza erabili nahi denez. Erabiliz gero, goian azaldutako zenbatekoei 50 euro gehituko zaizkie eguneko eta bilerako.

Instalazio bat herri bazkaria egiteko erabili nahi izanez gero, eskatzaileek instalazioa babestu behar dute, euren kargura, zorua ez narriatzeko. Eginbehar hori betetzen ez bada, fidantza atxikiko da kalteak ordaintzeko.

4. artikulua. Salbuespenak eta hobariak

Erabilerarako lagapenak bost egun baino gehiago irauten badu jarraian, hobaria ezarriko da: ehuneko 70 gehienez.

Prezio publikoa ordaindu beharraren salbuespena deklaratu ahal izango da onura publikoko arrazoiak daudenean. Onura publikoko arrazoiak egongo dira eskaera udalerrri honetako kultura edo kirol elkarte batek egiten badu, edo administrazio publikoren batek edo inguruko udal batek, eta egin nahi den jarduerarengatik ez bada kobratzen ez sarrerarik ez inskripziorik dirua irabazteko asmoarekin.

5. artikulua. Ordaindu beharra

Ordenantza honetan arautzen den prezio publikoa ordaindu beharra Udalaren baimena jaso ondoren pertsona fisikoak edo juridikoak erabilerari ekiten dionean sortuko da.

6. artikulua. Kudeaketa arauak

Ordenantza honetan aipatzen diren lekuak erabili nahi dituzten pertsonak eskaera zehatza aurkeztu beharko diote Udalari, gutxienez 4 egun natural lehenago, antolaketa arrazoiak direla eta. Gutxienezko aldi hori errespetatu ezean, eskatutakoa ukatu ahal izango da.

Eskaeran azaldu behar da zer jarduera egin nahi den, jarduerak zenbat iraungo duen eta zer erabili nahi den.

Ekitaldi aretoa, frontoiko edo kiroldegiko instalazioak, igerilekuetakoak, lonjak edo agertokia erabili nahi izanez gero, fidantza jarri beharko da: udalerriko elkarteek (erregistratuek) 100 euro eta besteek 200 euro. Fidantza instalazioak erabili aurretik egon diren bezala utzi direla egiaztatutakoan itzuliko da. Hain zuzen ere, instalazioak erabilera amaitu eta hurrengo egun baliodunean egiaztatuko dira, eta fidantza egiaztapena egiten denetik 48 ordu baino lehen itzuliko da.

Hirugarren idatz zatian aipatzen diren kopuruak eta idatz zati honetan aipatzen den fidantza instalazioak edo materiala erabiltzen hasi baino lehen ordaindu behar dira; ordaindu ezean, eskatutakoa ukatu daiteke.

Alkatetzak dauka eskatutakoa onartzeko edo ukatzeko eskumena.

Azken xedapena

Zerga ordenantza hau ALHAOn argitaratzen den egunean jarriko da indarrean eta indarrean egongo da harik eta berariaz aldatu edo indargabetu arte.

4.- KANPEZUKO UDALAREN LUDOTEKAREN ZERBITZUA ERABILTZEKO OINARRIZKO ARAUTEGIAREN ALDAKETAREN BEHIN-BEHINEKO ONARPENA, EGOKIA BADA.
ZIOEN AZALPENA:

Alkatetzaren ekimenez, eta arloko Zinegotzi-Ordezkariek azalduta, erabilera eta espazio publikoak eta udal ondasunak arautzen dituzten ordenantzak aldatzeko behin-behineko onarpena egiteko egindako espedientea ikusirik.

Uztailaren 19ko 41/1989 Foru Arauko 16tik 18rako artikulua eta apirilaren 2ko 7/1985 Erregimen Lokalaren Oinarriak arautzen dituen Legearen eskumenerako 22 eta 47 artikulua ikusirik.

XEDAPENAK:

AKORDIOA: Bertaratuek aho batez onartu dute:.

LEHENA.- Ludotekaren zerbitzua erabiltzeko oinarrizko arautegiaren aldaketa behin-behinean onartzea.

BIGARRENA.- Behin-behineko onarpenaren Akordioa argitaratu eta hurrengo egunetik aurrera 30 eguneko epean, Udal honen Iragarki-Taulan jendaurrean jarri, interesadunek espedientea aztertu eta egoki ikusten dituzten erreklamazioak aurkeztu ahal izateko.

HIRUGARRENA.- Jendaurrean egon den tartea igaro ondoren, egokia den behin betiko erabakia hartuko da balizko erreklamazioak erantzunez.
Erabakiaren aurkako erreklamaziorik aurkeztuko ez badira, erabakia behin betiko bihurtuko da ordura arte behin-behinekoa izango den akordia.

LAUGARRENA.- Behin betiko akordioa -baita behin betikoa bihurtutako behin-behinekoa-, eta aldaketen testua oso-osorik argitaratuko dira ALHAOn.

Xedea

Arautegi honen xedea Kanpezuko udal ludotekaren funtzionamendurako eta erabilerarako arauak ezartzea da. Ludotekak bi helburu dauzka: batetik, bertaratzen direnak astialdian heztea; bestetik, sozializatzen eta modu integralean garatzen laguntzea.

Zerbitzuaren deskripzioa

Ludoteka Udalaren zerbitzua da: jolaserako berariaz prestatutako espazio batean haurrentzako jostailuak, jokoak, liburuak eta beste material ludiko batzuk daude, eta programazio sozio-kulturala eta hezkuntzako prestatzen da, helburu nagusitzat hartuta haurrak beraien denbora librean jolastuz garatzea. Ludotekaren jarduna eskualdeko baliabideekin koordinatzen da eta jardueretan begiraleak aritzen dira.

Ludoteka haurrentzako eta nerabeentzako jolaserako espazioa eta hezkuntza zerbitzua da. Hauexek dira beraren xedeak: haurren eta gaztetxoaren parte hartzea sustatzea; aisia

eta denbora librerako aukerak eskaintzea; jolasaren eta zenbait tailer eta jardueraren bidez haurren eta nerabeen garapen integrala bultzatuko duten baloreak, jarrerak eta jokakerak sustatzea; helburu horietan heldu arduratsuek parte hartzea.

Horrez gainera eskolatik kanpo euskaraz bizitzeko eta euskara sustatzeko lekua ere bada.

0 - 16 urte bitartekoen aisialdiko hezkuntza beharizanak asetzeko zerbitzu hau doakoa da.

Ludotekan 52 pertsona egon daitezke gehienez.

Helburuak

- Jolas ingurune batean, haurren eta gazteen garapen kognitiboa, psikomotorra, afektiboa, soziala eta hizkuntzakoa sustatzea ahalik eta modurik osasuntsuenean.
- Haurrei eta gazteei laguntzea irudimena eta sormena lantzen jokoaren bidez.
- Jokoa ez ezik, batez ere komunikazioa, talde lana eta elkarrekiko begirunea ere bultzatzea.
- Elkarbizitzaren alde egitea elkarrekiko errespetua nagusi den giroan.

Ludotekak bete beharreko helburu orokorrak:

- Nortasunaren garapen integrala interbentzio ludiko-hezitzailearen bidez.
- Haurrei eta gazteei beren kideekin sozializatzen eta harremanak ezartzen laguntzea, jolasa oinarritzko faktorea dela.

Erabiltzaileen adina

Ludoteka 0 - 8 urte bitarteko haurrentzat eta 9 - 16 urte bitarteko gazteentzat da; 8 urtetik beherako umeak pertsona heldu arduradun batekin joan behar dira.

Eskaintzen dituen zerbitzuak:

- Jostailuak nornahirentzat: zerbitzu honi esker bakoitza bere nortasunaren arabera eta bere erara jolastu daiteke; hori dela eta, eremu desberdinak prestatuko dira.
- Jokoak: begiraleari eskatu behar zaizkio.
- Animazio soziokulturala: astialdiko hezkuntza jarduerak, helburutzat giza balore jakin batzuk sustatzea daukatenak: emakumeen eta gizonen arteko berdintasuna, kultura desberdinen elkarbizitza, ingurumena zaintzea eta errespetatzea, eta elkarbizitza.
- Tailerrak: doakoak izango dira denak eta gaiak programazioan finkatuko dira.
- Teknologia berriak: instalazioetan Interneterako wi-fi konexioa dago, doan.

Jarduerak

Jarduera guztiak hileka antolatuko dira; ordutegiak blokearen arabera aldatu ahal izango da, erabiltzaile guztiek eduki dezaten aukera ikastaro, solasaldi eta jardueretan izateko. Ludotekako programan jarduera hauek sartuko dira:

- Jokoak.
- Tailerrak.
- Proiekzioak.
- Solasaldiak.
- Ipuin kontalariak.
- Eta abar

Ludotekako langileak eta beraien egitekoak.

Ludotekaren arduradunak titulu tekniko egokia eduki behar du (hauxe gutxienez: Pedagogiko Lizentziatura; Irakasleen Diplomatura haur hezkuntzan, terapia okupazionalan, animazio soziokulturalean edo aisia eta astialdiko begiraletzan) eta horri dagokion euskara titulua ere bai (gutxienez HE1).

Udalak kontuan eduki ahal izango ditu hauek guztiak: hizkera eta irudi sexistak ez erabiltzea eta hori nola egin jakitea, berdintasunaren arloko prestakuntza, eta genero ikuspegia txertatzea jardueren eta tailerren programazioaren plangintzan, garapenean eta burutzapenean, jarraipenean eta ebaluazioan.

Arduradunak ondoko helburu hauek lortzeko egin behar du lan:

- a) Pertsonen arteko komunikazioa erraztea.
- b) Parte hartzea eta asoziazionismoa sustatzea.
- c) Sormena bultzatzea.
- d) Gizarteratzea, elkartasuna, askotarikotasunarekiko errespetua eta berdintasuna sustatzea.
- e) Hezkuntza behar bereziak hautematea.
- f) Naturari eta ingurumenari errespetua izatea sustatzea.
- g) Arau hauek bete daitezen zaintzea (betetzen ez badira, neurri egokiak ezarri ahal izango dira betetzeko).

Jarduerak, asteko plangintza, jendearen arreta eta udal administrazioarekiko harremanak zuzendu eta koordinatu behar ditu; besteak beste:

Antolakuntza:

- Pertsona erabiltzaile berriei harrera egitea: harrera egitea, ludotekaren berri eta zerbitzuaren inguruko informazioa ematea, eta orientazioa eskaintzea.
- Materialen inbentarioak egitea, sailkatzea eta katalogatzea.
- Jarduerak eta programak diseinatzea, gauzatzea eta jarraipena egitea plangintzak ebaluaziora arte.

Hezkuntza:

- Pertsonen arteko komunikazioa erraztea.
- Parte hartzea bultzatzea.
- Sormena bultzatzea taldearen barruan.
- Hezkuntza behar bereziak hautematea.
- Josteta animatzea eta giro atsegina eta lasaia sortzea.

Animazioa:

- Animazio soziokulturaleko jarduerak prestatzea eta burutzea.
- Taldeko programa eta jarduera ludikoak sortzea, antolatzea eta egitea.
- Proiektuak gauzatzea, lana programatzea eta emaitzak ebaluatzea jarduna berritzeko.
- Taldekideak adoretzea beren kabuz suspertzeko.

Jardun arauak:

- Erretzea debekatuta dago.
- Ludotekako materiala ezin da kanpora atera.
- Jolaserako material bakoitza beraren tokian gorde behar da joko amaitutakoan; hori egitea ezinbestekoa da beste joko bat eskatzeko.
- Erabiltzaileek nornahik erabiltzeko moduko materialak biltzen lagundu behar dute, ahal duten heinean, bakoitzak berak erabilitakoak. Umeen gurasoek bildu behar dituzte materialak, bai eta jolaslekuak atondu ere.
- Ezin da jan piparik, kakahueterik ez bestelako janari oskoldunik.
- Ludotekako instalazioetan eta korridoreetan ezin da korrika egin.
- Bizikletak, patineteak eta baloiak ludoteka sarreran utzi behar dira.

- Eremu jakin batean (haurren txokoa) ezin da oinetakoekin sartu; oinetakoak berariaz jarritako armairu batean utzi behar dira.
- Jolaskideen jokoak eta jarduerak errespetatu behar dira; ezin dira besteen jokoak eragotzi.
- Zerbitzua erabiltzen dutenek joko materialak eta altzariak ondo erabiltzeko ardur hartu behar dute, gaizki erabiliz narriatu ez daitezten. Zerbait gaizki erabilia narriatzen bada, erabiltzaileak haren kostua ordaindu beharko du edo berria erosi.
- Erabiltzaileek sortzen den zaborra birziklatzen lagundu behar dute; horrela ingurunearekiko errespetua eta ingurunearen zaintza bultzatuko dira.
- Ludotekako mahai jokoak erabiltzeko ezinbestekoa da bazkide txartela edukitzea. Txartela eskuratzen duenak materiala zentzuz erabiltzeko eta egoera onean itzultzeko ardur hartzen du. Bazkide txartela eskuratzeko hauxe egin behar da:
 - *Inskripzio fitxa bete; umearen izena eta adina adierazi behar dira. Inskripzioa modu ludikoan egingo da ludotekan, berariaz prestatuko diren tailerretan.
 - *Txartela doakoa da.
 - *Txartelak begiraleak gordeko ditu; horretarako abenduaren 13ko 15/99 Legeak, datu pertsonalak babestekoak, ezartzen dituen baldintzak beteko ditu.
- Funtsezko helburu hauek sustatu behar dira: PARTEKATZEA ETA ERRESPETATZEA.
- “Haurren txokoa” errespetatu behar da: ezin da sartu 4 urtetik gorako umerik.
- LUDOTEKA eta LIBURUTEGIA espazio berean daude; beraz, eremuak errespetatu behar dira, bakoitza bere xederako erabili behar da eta liburutegian isilik egon behar da.
- Instalazioetan botikina dago.

Kanpezuko Udalak ez du bere gain hartuko inolako erantzukizunik erabiltzaileei ezer lapurtuz gero, ez eta haiek ezer galduz gero ere.

Kanpezuko Udalak ez du bere gain hartuko inolako erantzukizunik erabiltzaileen ezbeharrengatik, ezbeharra instalazioen akats bategatik gertatzen denean izan ezik.

Egutegia eta ordutegia

Ludoteka zerbitzuaren jardunean bi ziklo egongo dira urtean; egutegia Udalak ezarriko du eta jarduerak hasi baino lehen jakinaraziko da.

Erabiltzaileen eskubideak eta betebeharrak.

Eskubideak:

- Udal ludoteka erabiltzea, hain zuzen ere bertako ondasunak eta zerbitzuak.
- Programatutako tailerrei eta jardueri buruzko informazioa eskatzea.
- Ludotekan egiten diren jardueretan parte hartzea eta instalazioak eta materialak berdintasun erregimenean erabiltzea.
- Usteak, proposamenak eta kekek aurkeztea eta erreklamazioak edota iradokizunak egitea, bai zerbitzua kudeatzen duten langileei, bai Udalari.

Betebeharrak:

- Ludotekako ondasunak eta zerbitzuak behar bezala erabiltzea, bai instalazioak, bai materialak.
- Eremuak errespetatzea (haurren txokoa eta liburutegia).
- Ludoteka erabiltzeko arautegia betetzea.
- Zentrora sartzeko eta handik irteteko, ezarritako ordutegia errespetatzea.
- Erabiltzaileek ezin dute sartu ludotekan kanpotik ekarritako bizikletarik, patineterik ez baloirik.
- Gainerako erabiltzaileak eta zerbitzuaren ardur duten langileak errespetatzea.
- Zerbitzuko arduradunek instalazioen eta materialen erabilerari eta programatuko jardueren garapenari buruz ematen dituzten jarraibideei eta aginduei jaramon egitea.

Osasuna:

— Gaixotasun baten zantzurik (sukarra, beherakoa, konjuntibitisa, pedikulisia –zorriak– edo infekto-kutsakorren bat edukiz gero, hobe umeak eta gazteak ludotekara joaten ez badira.

— Ludotekaren erabiltzaileen higiene pertsonala zaindu behar da.

(Jostailuak, jokoak eta liburuak ez zikintzeko, erabili baino lehen eskuak garbitu behar dira / Neguan zapatak astindu behar dira sarrerako oin zatarrean / Aterkiak...)

Gatazkak konpontzea.

Arautegi honetan arautzen ez den gatazkaren bat gertatzen bada, Udalak adostasunez konpontzearen alde egingo du, hau da, ahaleginak egingo ditu kontrako jarrerak bateratu eta alderdi guztiak asetzen dituen konponbidea aurkitzeko, elkarrekin lanean jarraitu ahal izateko helburu komunak lortzeko bidean.

Arau haustekak.

Arau haustea da arautegi honetan ezartzen diren betebeharrak bat ez betetzea, osorik zein zati bat.

Arau hauste arinak dira:

— Instalazioak eta materiala behar den ardurarekin ez erabiltzea.

— Zerbitzuaren arduradunen jarraibideei eta aginduei kasu ez egitea.

Arau hauste larriak dira:

— Arau hauste arinak behin eta berriro egitea.

— Gainerako erabiltzaileak ez errespetatzea.

— Zerbitzuaren arduradunak ez errespetatzea.

— Ludotekako instalazioei edo materialei nahita kalte egitea.

— Giroa nahastea eta programatutako jarduerak ondo egitea eragozte.

Arau hauste oso larriak dira:

— Arau hauste larriak behin eta berriro egitea.

Zehapenak.

Arau hauste arina egiten duena ludotekatik kanporatuko da astebeterako.

Arau hauste larria egiten duena ludotekatik kaleratuko da hilabeterako; horrez gainera, bidezkoa izanez gero, materialei edo instalazioei egindako kalteen kostuaren besteko isuna ezarriko zaio.

Arau hauste oso larria egiten duena behin betirako kaleratuko da; horrez gainera, bidezkoa izanez gero, materialei edo instalazioei egindako kalteen zenbatekoa hala biko isuna ezarriko zaio.

Norbaiti errespetua galduz gero, besteekin erasokor jokatzuz gero eta antzeko kasuetan neurri egokiak ezarriko dira, eta gerta liteke ludoteka erabiltzeko eskubidea galtzea ere.

5.- ROKODROMOKO INSTALAZIOAK ERABILTZEKO ARAUDIAREN BEHIN-BEHINEKO ONARPENA, EGOKIA BADA. **ZIOEN AZALPENA:**

Alkatetzaren ekimenez, rokodromoko instalazioak erabiltzeko araudiaren behin-behinean onartzeko egindako espedientea ikusirik.

Uztailaren 19ko 41/1989 Foru Arauko 16tik 18rako artikulua eta apirilaren 2ko 7/1985 Erregimen Lokalaren Oinarriak arautzen dituen Legearen eskumenean 22 eta 47 artikulua ikusirik.

XEDAPENAK:

AKORDIOA: Bertaratuek aho batez onartu dute:

LEHENA.- Rokodromoko instalazioak erabiltzeko araudia behin-behinean onartzea.

BIGARRENA.- Behin-behineko onarpenaren Akordioa argitaratu eta hurrengo egunetik aurrera 30 eguneko epean, Udal honen Iragarki-Taulan jendaurrean jarri, interesadunek espedientea aztertu eta egoki ikusten dituzten erreklamazioak aurkeztu ahal izateko.

HIRUGARRENA.- Jendaurrean egon den tarte igaro ondoren, egokia den behin betiko erabakia hartuko da balizko erreklamazioak erantzunez.

Erabakiaren aurkako erreklamaziorik aurkeztuko ez badira, erabakia behin betiko bihurtuko da ordura arte behin-behinekoa izango den akordia.

LAUGARRENA.- Behin betiko akordioa -baita behin betikoa bihurtutako behin-behinekoa-, eta aldaketen testua oso-osorik argitaratuko dira ALHAOn.

ERANSKINA

NOLA ERABILI: Nornahik erabil dezake, eta inolako ordutegi mugarik gabe gainera, baldin eta IOAR kirol elkarteko eskalada taldeko kide batek arduradun lanak egiten baditu.

ROKODROMOA ERABILTZEKO ARAUAK:

a) Jantzi eta oinetako egokiak (katu oinak edo kiroletako oinetakoak) erabili behar dira; ezin da eskalatu kaleko arropekin.

b) Koltxonetak ezbeharretan minik ez egiteko dira; ezin dira erabili beste ezertarako.

c) Eskalatzen ari diren erabiltzaileak baizik ezin dira egon instalazioan.

d) Rokodromoaren erabileraren erantzuleak erabiltzaileak izango dira.

e) Udalak ez du edukiko inolako erantzukizunik erabiltzaileek instalazioan kirolean aritzean ezbeharrengatik jasaten dituzten lesioengatik, ez eta instalazioak gaizki erabiltzeagatik jasaten dituztenengatik ere.

f) 16 urtetik beherako pertsonak pertsona heldu arduradun baten ikuskarpenarekin baino ezin dute erabili rokodromoa.

g) Rokodromoa erabiltzen dutenek ikusten dituzten arazo eta akats guztien berri eman behar diete Udalaren arduradunei.

h) Erabiltzaileen ardura da rokodromoa ondo mantentzea, garbitzea eta zaintzea.

i) Ezin da oztopatu galdaren gelako larrialdietako irteera.

DEBEKUAK:

a) Erabat debekatuta dago instalazioetan erretzea.

b) Erabat debekatuta dago edari alkoholodunak sartzeta eta kontsumitzea.

c) Erabat debekatuta dago animaliak sartzeta.

5.- UDAL AUTOKARABANEN APARKALEKUA ERABILTZEKO ARAUDIAREN BEHIN-BEHINEKO ONARPENA, EGOKIA BADA. ZIOEN AZALPENA:

Alkatetzaren ekimenez, udal autokarabanen aparkalekua erabiltzeko araudiaren behin-behinean onartzeko egindako espedientea ikusirik.

Uztailaren 19ko 41/1989 Foru Arauko 16tik 18rako artikulua eta apirilaren 2ko 7/1985 Erregimen Lokalaren Oinarriak arautzen dituen Legearen eskumeneko 22 eta 47 artikulua ikusirik.

XEDAPENAK:

AKORDIOA: Bertaratuek aho batez onartu dute:

LEHENA.- Udal autokarabanen aparkalekua erabiltzeko araudia behin-behinean onartzea.

BIGARRENA.- Behin-behineko onarpenaren Akordioa argitaratu eta hurrengo egunetik aurrera 30 eguneko epean, Udal honen Iragarki-Taulan jendaurrean jarri, interesadunek espedientea aztertu eta egoki ikusten dituzten erreklamazioak aurkeztu ahal izateko.

HIRUGARRENA.- Jendaurrean egon den tartea igaro ondoren, egokia den behin betiko erabakia hartuko da balizko erreklamazioak erantzunez.

Erabakiaren aurkako erreklamaziorik aurkeztuko ez badira, erabakia behin betiko bihurtuko da ordura arte behin-behinekoa izango den akordia.

LAUGARRENA.- Behin betiko akordioa -baita behin betikoa bihurtutako behin-behinekoa-, eta aldaketen testua oso-osorik argitaratuko dira ALHAOn.

XEDAPEN OROKORRAK

UDALAREN ORDENANTZA, AUTOKARABANAK ETA ETXEBIZITZA IBILGAILUAK SANTIURUTZE KANPEZUN BERARIAZ ATONDUTAKO EREMUAN GAUA EMATEKO NOLA APARKATU BEHAR DIREN ARAUTZEN DUEN UDAL ORDENANTZA

1. artikulua. Xedea

Ordenantza honek bi xede dauzka: batetik, Santikurutze Kanpezun, Udalaren kirol instalazioen ondoan, autokarabanak eta etxebizitza ibilgailuak aparkatzeko berariaz atondutako eremua nola erabili behar den arautzea, bertako natur baliabideak eta espazioak babesteko eta pertsonen segurtasuna eta aparkaleku publikoak herri bideen erabiltzaile guztien artean modu ekitatiboan txandakatzea eta banatzea bermatzeko; bestetik, kanpaldi librearen debekua, araudi autonomikoan ezarritakoa, betearaztea.

2. artikulua. Kanpaldi librearen debekua

Zehapena ezarriko zaie kanpaldi librearen debekua hausten dutenei Kanpezuko udalerrian autokarabanetarako gordetako aparkalekuan. Ondoko artikuluetan kanpaldi librearen eta autokarabana aparkatzearen arteko desberdintasuna zertan den zehaztuko da.

3. artikulua. Kanpaldi librea

Haxe da kanpaldi librea:

a) Autokarabanatik kanpo aisialdirako gauza edo tresna bat jartzea, eta erraz garraiatzeko moduko elementuren bat, zimendurik ez daukana, erabiltzea ere bai.

b) Autokarabana ordenantza honetan ezartzen dena baino luzeago egotea aparkalekuan.

c) Kanpezuko Udalaren langileen edo Ertzaintzaren iritziz Udalaren beste ordenantzetan ezartzen denarekin bat ez datozen jarduera guztiak.

4. artikulua. Aparkatzea eta kanpatzea: desberdintasunak

Autokarabanak eta antzeko ibilgailuak hiri barruko bideetan gelditu eta aparkatu daitezke, baldin eta arriskurik sortzen ez bada, eragiketa Legearekin bat etorritik egiten bada, zirkulazioa eragozten ez bada eta bidean dabilzanak arriskuan jartzen ez badira, eta ibilgailua baimendutako tokian uzten bada berariaz ezarrita dagoen bezala.

Ondoko kasuan (argitzeko eta zantzu modura baino ez da aipatzen) autokarabana ez dago kanpatuta, baizik eta aparkatuta:

1. Zorua gurpilek edo segurtasun altxagarriek bakarrik ukitzen dute (hanka egonkortzaileak ez daude erantsita, ez eta bestelako tramankulurik ere).

2. Autokarabanak itxita dagoela okupatzen duen eremua baino ez da okupatzen; hau da, leihoak itxita daude (irekita edo kanpora zabaldua dauden leihoek ibilgailuaren

perimetroaz harago dagoen eremua okupatzen dute) eta ez dago aulkirik, ez mahairik, ez olanarik hedatuta, besteak beste.

3. Ez da isurtzen inolako fluidorik, ez kutsagarrikerik, ez bestelakorik; salbuespenak: motorraren errektuntzak sortu eta ihes hodiaren bitartez kanporatzen direnak; gizalegez jokatzen ez denean edota jarduera osasungaitzen bat egiten denean (bide publikoan ura hustea, esaterako) sortzen direnak. Herritarrek atsedean hartu ohi duten orduetan ez da egiten zarata gogaikarrikerik (esaterako, elektrizitate sorgailuarena) eta ekipo akustikoak ez daude altuegi biztuta, eta egunez aldi luzeetan ere ez.

5. artikulua. Aparkaldia

Ibilgailu hauek gehienez 72 ordu egon daitezke aparkatuta toki berean; hala ere, badago salbuespen bat: Kanpezuko zaindariaren jaietan 96 ordu egon daitezke aparkatuta. Gainera Udalak autokarabanak herriko bideetako eremu jakin batzuetan aparkatzea debekatu ahal izango du, edo aparkaldia mugatu, kasu hauetan: etxebizitza ibilgailuaren tamainak edo baimendutako gehieneko masak bideko segurtasuna arriskuan jartzen badu edo zirkulazioa eta aparkatzeko aukerak eragozten baditu. Tasa bat ezarriko da urak aldatzeko zerbitzuagatik.

6. artikulua. Zerbitzuguneak

Autokarabanen zerbitzugunea Santikurutze Kanpezun dago, Udalaren kirol instalazioen ondoan. Hauexek dira hura erabiltzeko arauak:

1. Honelako ibilgailuen sailkapena: Ordenantza hau autokarabana eta etxebizitza ibilgailu homologatu hauei aplikatzen zaie:

- 2448 (etxebizitza furgonia)
- 3148 (etxebizitza ibilgailu mistoa)
- 3200 (autokarabana, zehaztu gabea, baimendutako gehieneko masa 3.500 kg-tiko gorakoa ez duena)
- 3248 (etxebizitza autokarabana, baimendutako gehieneko masa 3.500 kg-tiko gorakoa ez duena)
- 3300 (autokarabana, zehaztu gabea, baimendutako gehieneko masa 3.500 kg-tiko gorakoa duena)
- 3348 (etxebizitza autokarabana, baimendutako gehieneko masa 3.500 kg-tiko gorakoa duena)

2. Erreserbatutako zonetan etxebizitza gisa katalogatutako ibilgailuak bakarrik aparkatu ahal dira. Bestelako ibilgailuak, adibidez kamioiak, karabanak, turismoak, eta abar, ez badira etxebizitza gisa homologatu eta ez badaukate komunik eta erabilitako urak biltzeko biltegiak, ezin dira aparkatu.

3. Aparkatutako ibilgailuek uneoro errespetatu behar dituzte zoruan aparkatzeko marraztu diren espazioen mugak. Ezin dute kanpora mahairik, aulkirik, olanarik, eguzkitakorik, estalkirik edo bestelakorik atera.

4. Gehienez 72 ordu egon daitezke bertan, ibilgailua geratzen denetik plaza uzten den arte. Ezinbestekoetan edo beharrezana dagoenean bakarrik, eta Alkatezak alde aurretik baimentzen badu, gainditu ahalko da egonaldiaren gehieneko iraupena.

5. Autokarabanek eta antzeko ibilgailuek sortzen dituzten ur gris eta beltzak husteko espazio bat edukiko dute erabiltzaileek. Gainera, tratatu gabeko uraren hargune bat edukiko dute. Zona honetan ezin da aparkatu. Erabiltzaileek erabiltzeko da, eta erabili

ondoren garbitu egin beharko dute. Era berean, hemen edozein motatako ibilgailuak garbitzea berariaz debekatzen da.

6. Zerbitzua dohainik emateko aldi bat onartzen da. Proba gisako hilabete batzuk igarotzen direnean, prezio publiko bat finkatuko da autokarabanak zerbitzuguneetan sartzearagatik eta bertako zerbitzuak eta udalaren birziklatze guneak erabiltzeagatik. Une egokian zehaztuko da prezio publiko hori; hala eta guztiz ere, prezio hori udal ordenantza fiskaletan eguneratu edo aldatu ahal da.

7. Udalak edo Ertzaintzak zerbitzugunea zaindu eta jagoteko eta elkar errespetatzeko eta gizalegez jokatzeko ematen dituzten jarraibide guztiak beteko dituzte zerbitzuguneetako erabiltzaileek. Era berean, udalak edozein unetan erabil ditzake zerbitzuguneetako eremuak beste erabilera batzuetarako. Horrek ez du kalte ordainik sorraraziko zerbitzuguneen erabiltzaileentzat.

8. Debekatuta dago bide publikoan, eta bereziki autokarabanak aparkatzeko plazetan, kanpatzeko trasteak jartzea, hala nola mahaiak, aulkiak edo estalkiak, salbu eta berariaz baimentzen diren lekuetan.

9. Udalak udalerrian horrelako espazioak jartzea sustatu ahal du. Horrelakoak jabetza publiko nahiz pribatuak izan ahal dira. Betiere erabilera publikokoak izango dira.

10. Inguruko bizilagun eta erabiltzaileei zarataren ondorioz eragozpenik ez sortzeko, zerbitzugunean autokarabanak sartzeko eta irteteko eta zerbitzuak erabiltzeko ordutegi bat finkatuko da: 8: 00etatik 23: 00etara.

11. Udalaren instalazioen erabilera eta aprobetxamendu publikoa ahalik eta onenak izan daitezen, autokarabanen zerbitzugunearen erabiltzaile guztiek udalari jakinarazi beharko dizkiote gertatzen diren arazo tekniko, matxura, narriadura, gabezia edo erabilera desegoki guztiak.

12. Zerbitzugunearen barruan, kategoria guztietako ibilgailuen gehieneko abiadura 30 km/h izango da. Betiere, ibilgailuek ezin dute zaratarik egin bat-batean azeleratuz, eraldatutako ihes hodian bidez edo bestelako inguruabar ez-normalengatik. Gainera, ezin dituzte gainditu udal ordenantzek edo aplikatu beharreko legeriak finkatutako zaraten eta gas emisioen mugak, egotekotan.

7. artikulua. Ikuskaritza

Ordenantza honetako edozein artikuluren, edo ordenantza garatzeko Alkatetzak ematen dituen xedapenen, kontra egitea edo horiek ez betetzea arau haustea izango da; orduan toki korporazio honi egokituko zaio ikuskapen eta zehapen funtzio egokiak betetzea. Udaleko zerbitzu anitzetako langileak izango dira ordenantza hau betetzen dela zaindu behar duten pertsonak.

8. artikulua. Eskumena eta zehapen prozedura

1. Zehapen prozedura hasteko eta ebazteko eskumena duen organoa Kanpezuko Udaleko alkatea, edo hark eskuordetzen duen pertsona, izango da.

2. Zehapen prozedura abuztuaren 4ko 1398/1993 Errege Dekretuak, zehatzeko ahala gauzatzeko araudia onartzen duenak, ezarritakoaren arabera beteko da.

3. Espedientearen ebazpena gehienez ere urtebeteko epean jakinarazi beharko da, prozedura hasten denetik aurrera zenbatuta, eta interesdunak planteatutako kontu guztiak eta prozeduratik eratorzen direnak erabakiko ditu.

Prozedura hasten denetik urtebeteko epean ez bada zehapen ebazpena jakinarazi, prozedura iraungiko da eta jarduketak artxibatuko dira, interesdunak eskatuta, edo bestela ebazpena emateko eskumena daukan organoak egingo du, ofizioz, salbu eta prozedura eteteko arrazoia interesdunei egotzi behar bazaie edo epaile baten jardunaren ondorio bada.

9. artikulua. Arau hausteak eta zehapenak

1. Ordenantza arautzaile honen 3. artikuluan xedatutakoa bete gabe autokarabanak aparkatzea arau hauste arina izango da, eta 90 euroko isunaz zehatuko da, baldin eta arau hauste horrek ez badakar bide publikoa oztopatzea.

2. Ordenantza arautzaile honen 4. artikuluan xedatutakoa bete gabe autokarabanak aparkatzea arau hauste larria izango da, eta 300 euroko isunaz zehatuko da, baldin eta arau hauste horrek bide publikoa oztopatzea badakar.

3. Arau hauste larria izango da 5. artikuluan ezarritako debekua bete gabe aparkatzea, eta 300 euroko isunaz zehatuko da.

4. Kanpatze librearen debekua ez betetzea arau hauste larria izango da eta 300 euroko isunaz zehatuko da. Isuna 450 euroraino gehitu ahalko da jarduera hori eginez hiri altzariak narriatzen dituztenen kasuan edo kanpatu duten zona, axolagabekeriaz, zikintzen dutenen kasuan; horrez gain, egindako kalteak konpontzera behartuta egongo dira. Isuna modu horretan gehituko da, halaber, barbakoak edo antzekoak jartzen diren kasuan, ingurunea kaltetuz edo arriskuan jarritz.

10. artikulua. Kautelazko neurriak

Indarrean dagoen zirkulazioko udal ordenantzan aipatzen diren kasuetan arau haustea egiten duen ibilgailua ibilgetu beharko da, edo bide publikotik atera.

Arau hauste baten ondoren arau hausleak ez badu frogatzen espainiar lurraldean non daukan ohiko bizilekua, agente salatzaileak isunaren zenbatekoa behin-behinean finkatuko du. Zenbateko hori ez bada ordaintzen edo haren ordainketa ez bada bermatzen zuzenbideak onartzen duen edozein modutan, ibilgailua ibilgetuko da.

11. artikulua. Erantzukizuna

Kanpezuko autokarabanen aparkatze gunea ez da zaindutako eremua. Beraz, Kanpezuko Udalak ez du erantzukizunik hartuko aparkatutako autokarabanetan gorabeherarik, lapurretarik edo antzekorik gertatzen bada.

Lege honetan xedatutakoa haustearen erantzukizuna arau haustea sorrarazten duenarena izango da zuzenean.

Arau haustea egiten duen ibilgailuaren jabeak edo errentariak, behar bezala agintzen zaionean, arau haustearen erantzulea den gidaria modu sinesgarrian identifikatu behar du. Betebehar hori betetzen ez badu, prozedura izapide egokian, 300 euroko isuna ezarriko zaio, arau hauste larri baten egile gisa.

12. artikulua. Autokarabanisten betebeharrak

Ordenantza honetan ezarritakoa bete beharraz gain, autokarabanistek betebeharrak hauek izango dituzte:

1. Mugimendu autokarabanistak estatuetakoa eta Europako elkarten bidez finkatutako jokabide eta etika kodeak errespetatzea. Natura eta ingurumena zaindu behar dituzte, eta bide publikoaren gainerako erabiltzaileak eta, oro har, udalerriko biztanle eta bisitari guztiak errespetatu.

2. Trafikoko eta bide segurtasuneko arauak errespetatuz gidatzea, ahal den neurrian gainerako gidariei aurreratzea eta maniobrak egitea erraztuz.

3. Edozein motatako zarata gogaikaririk ez egitea, batez ere soinu aparatuetatik, irratitik, telebistatik, energia sorgailuetatik edo etxeko animalietatik datozenak, hiriko bide publikoan edo horretarako egokitutako zonetan aparkatuta daudenean.

4. Hiri hondakin solidoak biltzeko ontzi egokiak eta hondakin urak biltzeko ekipamendu egokiak erabiltzea.

5. Aparkatzeko espazio fisikoa okupatzea, beharrezkoak diren mugen barruan.

6. Aparkatzerakoan eragozpen funtzionalik ez sortzea, motordun ibilgailuen nahiz oinezkoen trafikoaren segurtasuna arriskuan ez jartzea, monumentuen ikuspegia ez oztopatzea, eta eraikin publiko edo pribatuen eta establezimendu komertzialen sarbideak ez oztopatzea.

AZKEN XEDAPENA

Ordenantza hau ALHAOn argitaratu eta hurrengo egunean jarriko da indarrean.

5.- EUSKARAREN EGUNA DELA ETA ADIERAZPEN INSTITUZIONALAREN ONARPENA, EGOKIA BADA. **ZIOEN AZALPENA:**

2015eko abenduan, Euskararen Egunaren harira, Kanpezuko Udalak honakoa nabarmendu nahi du, udalerrri euskalduna eta euskararen arnagunea den heinean.

Euskara gure herriaren oinarritzko orubea da, gure hizkuntza denez, munduari begiratzeko daukagun leihoa eta mundura zabaltzeko daukagun atea baita. Euskaraz gara, eta euskaratik egiten dugu bidea, eguneroko lanean eta bizitzan.

Mendeetan zehar belaunaldiz belaunaldi gure ahorraino heldu den hizkuntzak ez du ibilbide samurra izan, eta gaur egun ere, oraindik, artaziak hurbil sumatzen dituzte euskaldun askok beraien herrietan, ofizialtasunik gabe eta euskaraz aritzeko inolako erraztasunik gabe.

Udalerrri euskaldunetan bestelakoa da egoera. Legez ofiziala da euskara, euskaraz modu naturalean aritzen gara, oraindik ere nahi baino esparru gehiagotan zailtasunak ditugun arren. Horri aurre egiteko lanean segitzea dagokigu, zenbaitek larreako nahi duten hizkuntza noranahikoa izan dadin benetan.

Euskara lau haizetara zabaltzeko ahalegin horretan, aintzat hartzekoa eta aitortzekoa da hiztunek, euskaldun berriek eta herri eragileek zein erakundeek egindako lana. Horien guztien euskaraz bizitzeko nahiak ekarri baikaitu honaino. Aurten, bereziki, eta hainbat erakunde publikok horrela adostuta, berriaz aitortu eta nabarmendu nahi dugu euskaldun berrien ekarpena eta ahalegina.

Gaur, beraz, 2015eko Euskararen Egunean, Kanpezuko Udalak honakoa **adierazten du**:

- Udalerrri euskaldunak dira euskararen arnaguneak, hizkuntzaren transmisioan eta balio erreferentzian duten garrantziagatik. Euskararen gune hegemonikoak dira, eta baita eredu ere hain euskaldunak ez diren eremuentzat.

- Udalerrri euskaldunek izaera horri eutsi baldin badiote, eragile askoren ahaleginari esker eta hiztunen hautuari esker izan da. Aurten, bereziki, euskaldun berrien ekarpena aitortu eta eskertu nahi dugu, euskara ikastearekin, udalerrri euskaldunek gure hizkuntzari eusteko dagokien alea jarri dutelako.

- Udalerrri euskaldunetako bilakaera soziolinguistikoak, hala ere, azken urteotan ezagutzak behera egin duela erakusten du, eta datu horiek kezka ikusten ditugu. Arnaguneak zaindu eta hedatu ezean, beheranzko joera areagotu egingo baita, euskararen normalizazio prozesua arriskuan jarritz.

- Horregatik, euskaldun berriei aitortza hau egiteaz gain, euskaldun berriak sortzen jarraitzeko eta horretarako bitartekoak jartzeko eta erraztasunak emateko konpromisoa hartzen dugu. Baita udalerrriaren erabateko euskalduntzean dugun ardura eta egiten dugun ekarpena aztertzekoa ere, horren inguruko hausnarketa eginez, ditugun baliabideen eta eskumenen baitan.

- Udalerrri euskalduna den heinean, Kanpezuko Udalak, honen bidez, euskaraz bizitzen segitzeko borondatea berretsi nahi du, harrotasunez, herri honen kulturari eta izaerari egin diezaiokeen ekarpen ederrenetakoa dela iritzita. Era berean, aitortu eta eskertu egin nahi du, egunero euskarari hauspoa ematen dioten herritar guztien hautua eta ekarpena eta, aurten, bereziki, euskaldun berriena.

Bozketara jarri da, eta bertaratutakoek aho batez onartu egin dute.

8.- EMAKUMEEN KONTRAKO BORTIZKERIAREN AURKA ADIERAZPEN INSTITUZIONALAREN ONARPENA, EGOKIA BADA.

Joan den azaroaren 14an, gure udalerrriko emakume batek jasandako eraso matxistaren aurrean Kanpezuko Udalaren Osoko Bilkurak hurrengo gaitzespen eta arbuio adierazpena egitea onartu du:

Indarkeria matxista ez da hura sufritzen duten pertsonen arazoa soilik, baizik eta hiritar guztiei eragiten diela gure gizartean, gaur egun, oraindik mantentzen diren desberdintasunen ondorio basatiena izanda, baita patriarkatuaren tresna nagusia emakumea desberdintasun eta sumisio egoeran kokatzeko. Kanpezuko Udal honek ez du onartzen ezta ontzat ematen emakumeen eskubideak urratzen dituen inolako genero indarkeriarik. Hortaz, azaldu nahi dugu gure erabateko gaitzezpene indarkeria matxistari ematen den arlo guztietan (psikologikoa, sexuala, sinbolikoa, soziala, ekonomikoa eta

fisikoa); eta, bereziki, gure bizilagunak aurre egin duen erasoari.

Mendialdean bizi garenok, eta ordezkari publikoak kontzientzia eta jarrera sendoak izan behar ditugu emakumeen kontrako eraso sexisten aurrean. Ezin gara mutu egon; eta kementsu agertu behar dugu generoa dela eta pertsona bat beste batek menderatzeko irudiaren aurrean. Adierazpen institucional honek gure bizilagunarentzat elkartasun mezua izatea nahi dugu; baita modu batean edo bestean, askotan isilean, egoera hau jasan edo jasaten duten emakume guztientzat.

Era berean, hiritarrekin batera, ezinbestean, garatu behar den gure konpromiso politikoa ere berresten dugu. Instituzio guztiei eskatu behar diegu, eta herritar guztiak deitu, elkarrekin orban sozial hau buka dezagun; izan ere gure eskubideak mugatzen ditu eta ez gaitu aske egiten. Hasteko, norbanakoak eta gizarteak, oro har, gure ohiko aurreiritzi, rol eta jokabideak berrikusi behar ditugu. Jakitun gara bide luzea dugula bidezko eta berdintasunezko gizarte lortzeko; baina indarkeria matxistaren aurka lanean jarraituko dugu, erasotzaileei aurre eginez, eta biktimak aholkatzen, babesten eta laguntzen, bakarrik inoiz ez utziz.

Beraz, Kanpezuko Udaleko Osoko Bilkurak, aho batez:

- Gure udalerrian gertatutako eraso matxistari bere gaitzespena eta arbuioa ADIERAZTEN DIO, baita emakumeen aurkako indarkeria agerpen mota guztiei.
- KONPROMISOA HARTZEN DU eraso sexisten aurka eta berdintasunaren alde udal-politika aktibo, integrala eta mugimendu feministarekin koordinatua garatzeko.
- Herritarrak GONBIDATZEN DITU konpromiso pertsonalak eta kolektiboak har dezaten emakumezkoen eta gizonezkoen arteko berdintasunaren alde, baita genero izaera duen edozein diskriminazio mota gaitzetzeko.
- Bere bizilagunari laguntza, maitasuna eta elkartasuna JAKINARAZTEN DIO, adierazpen honen kopia batekin lagunduta.

5.- LEHENDAKARITZAREN TXOSTENA

Lehendakaritzak arlo desberdinetako Zinegotzi-Ordezkariei hitza eman die azken bileraren ostean egindako gestioak azal ditzaten.

Ruiz de Loizaga jaunak, Hirigintza Zinegotziak, HAPOn (hiri-antolamenduko plan orokorra) testu bategina Foru Aldundian aurkeztu dutela adierazi du.

Garbigunea egitea badago lanak egingo dituen enpresaren programazioan.

Herritarrei laguntzeko bulegoa zuritu da emandako diru-laguntzan.

Azkenik, Orbiso R-6 egikaritze-unitateko obran uralita egoteagatik deskontaminazio baimenaren zain daude, nahiz eta zenbait zeregin eginda egon.

Saenz andreak, Kultura Zinegotziak, euskararen eguna dela eta hilaren 3an egingo diren jarduerak aipatu ditu non hainbat talde parte hartu duten; hasierako balorazioa oso baikorra da, guztiak parte hartzeko gonbidatuz.

Olentzerori buruz, gaia irekita dago eta orain arte egin izan denari beste ikuspuntu batetik landuko dute.

Hilaren 26an, herritar guztiei zabalik dagoen gabon kanten lehiaketa egingo da.

Saenz de Ugarte andreak galdetu du ea Olentzero egoitzara joango den. Zinegotzi andreak azaldu du ideia dagoela adineko bat hurbiltzeko hara adinekoekin hitz

egiteko.

García de Acilu jaunak galdetu du gabon kantak Ortzadar elkarteak antolatu dituen. Zinegotzi andreak baietz baina udalarekin elkarlanean erantzun du.

Arenaza andreak, Gizarte arloko Zinegotziak, azaldu du Lagunkoiak programari atxikimendua, eta lanekin hasi direla.

Eta adierazi du abenduaren 4 eta 12 bitartean, literatura aretoa egingo da Kultur Etxean berdintasunaren gaia ikastetxeekin jorrazteko. Hura iraun bitartean, ludoteka beheko solairuan egongo da.

Muñoz jaunak, Ogasun eta Enplegu zinegotziak, epean eman diren ikastolako lanak azaldu ditu. Era berean, jolastokia konpontzeko, bertako zabuarekin, Ereinen diru-laguntza eskatu dela aipatu du, eta ebazpenaren zain daudela. Udalaguntzaren diru-laguntzan aurten jolastokia konpontzeko, bertako zabuarekin, eskatuko da.

Herrador jaunak galdetu du zenbat balio duten jolastokiek; hamasei mila euro inguru direla erantzun du. Berrero galdetu du gastu hori junta ekonomikoak onartu duen; ezetz dio, izan ere estalkiaren proiektu barruan aldatu zen Ereinen diru-laguntza barruan sartzeko.

Bukatzeko, udal kazeta informatiboaren zirriborroa aurkeztu da. Garcia de Acilu jaunak galdetu du puntu zehatz batean ados ez egotekotan ea ideia kontrako ideiak edo erantzunak sartzeko tokia egongo den. Puntu horren inguruan eztabaida sortzen da bertaratutakoen artean.

7.-ESKARIAK ETA GALDERAK

Alkate andreak udal bozeramaileei galdetu die bestelako konturen bat adierazi nahi duten.

Saenz de Ugarte andreak galdetu du hutsik dagoen babes ofizialeko etxebizitzaren inguruan, zer egingo den. Arenaza andreak adierazi du oraingoz erabakia hartzeko zain daudela.

Ludotekarako jokoen zerrendari buruz galdetu du, Saénz andreak argitu du dagoeneko erosten hasi direla.

Bukatzeko aipatu du Olentzero etxebizitza komunitariora badoa, kontuan hartzeko jokoren bat eraman behar dela, bingoa esaterako.

Eta aztertu beharreko gai gehiagorik ez dagoenez, Alkate andreak bilkura amaitutzat eman du egun bereko arratsaldeko bederatzietan. Nik, Idazkariak, egiaztatzen dut.